



Synfocity = 594

mail us at : mzsynfo@gmail.com; mizoramsynod@gmail.com - Phone - 2314648

14th July, 2016

□ Synod-in chhawmdawlina pe

Tun hnaia harsatna hrang hrang neite hnenah Synod Relief Fund atangin chhawmdawlina hetiang hian pek an ni.

S.No	Khua	Pek chhan	Chhungkaw zat	Chhawmdawlina pek zat
1.	Thingsai	Damlo/Rethei	1	Rs. 6,000/-
2.	Biate	Damlo/Rethei	5	Rs. 20,000/-
3.	Tlungvel Vengthar	Damlo/Rethei	1	Rs. 4,000/-
4.	Darlawng	Damlo/Rethei	1	Rs. 4,000/-
TOTAL				Rs. 34,000/-

□ Zin

- ♦ July 15 & 16, 2016 chung hian Bungtlang Pastor Quarters enpui leh Mualcheng Kohhran tlawhin Rev. Lalramliana Pachuau, Senior Executive Secretary leh Upa H. Remthanga, Finance Officer te an kal ang.
- ♦ July 16 & 17, 2016 chung hian Saitual leh Keifang Bialah Kristian Chhungkaw Seminar hmanpui turin Rev. PC Pachhunga, Executive Secretary a kal ang.
- ♦ July 16 & 17, 2016 chung hian Ramthar Campaign-in Kawrthah South-ah Rev. B. Sangthanga, Executive Secretary a kal ang.

□ Revival Dept

July 5 - 10, 2016 chung khan Synod Revival Camping Centre, Neihbawih-ah Gospel Camping neih a ni a, Speaker R. Lallungmuana, Hebron Revival a ni a, Camp-a lut zawng zawng hi Mipa 209 leh Hmeichhia 18, an vaiin 227 an ni a. Camping-ah hian Presbyterian Kohhran mai bakah Kohhran Pawl hrang hrang atangin mi engemaw zat an lut a, Aizawl khawpui chung veng hrang hrang leh Aizawl pawn atangin lut an awm bawk a ni. Bungkaw Kohhran Pavalai Pawl ten Ei rawngbawl leh Security lam an buaipui a ni.

□ Prison Ministry

July 10, 2016 (Pathianni) khan Synod Prison Minsitry te chuan District Jail-ah rawngbawlina an nei a, inkhawm hi Rev. Lalvulluaia'n a kaihruaia a, Rev. PC Vanlalhruaia'n Pathian thuchah a sawi a, inkhawm hi mi 51 lai an tling a ni.

□ Mission Board

Barak Area : July 6, 2016 khan Manikbond Bial, Medili khuaah ringthar mi 15 te chuan Bialtu Pastor Vanlalliana Sonset kutah baptisma an chang a, Manikbond Bial hian kumin chhungin ringthar 42 lai an nei tawh a ni. July 10, 2016 khan Kabuganj Bialah ringthar pathumin Pastor Lalmuankima kutah baptisma an chang bawk a. Heng ringthar te hi kum 2011 a an bialtu Pastor, Rev. G.S. Ropianga kut lo thlaktu nupui leh a fate an ni a, pa ber hian kum 2014 khan baptisma alo chang tawh bawk a ni.

Nepal Mission Field : July 9, 2016 khan Nepal field-ah ringthar 3 an nei a, ringtu ni tura intiam mi pakhat an nei bawk. Nepal-ah hian Pathianni aiah Inrinni hi Sawrkar chawlhni anih avangin Kristiante pawh Inrinni hi Pathianni angin an hmang thin a ni.

Delhi Mission Field : July 7, 2016 khan Rev. Lalrosiama, Field Secretary in Fellowship thar, member 100 lai awmna chu kan Kohhranah a lawm lut a. He Fellowship hi "Delhi Ishu Darbaar Fellowship" tih a ni. July 10, 2016 khan Gautampuri Delhi South bial-ah ringthar 9 ten Bialtu Pastor P. C. Rohlira kutah baptisma an chang bawk.

Assam Mission Field : Sivasagar kohhranah ringthar tlangval 1 leh Kristian ni sa tlangval 2 in baptisma an chang a. Tlangval 2 te hi an nu leh pa te Baptist Kohhran an ni a, kan Kohhranah an inpe nghal a ni.

□ Campus Ministry

July 12, 2016 (Thawhlethni) khan Apollo School Of Nursing ah hun an hmang a. He hunah hian Rev. Lalchungnunga, Director in hun hmangin 'Rinna leh thiltih' inzawm dan fiah takin a sawi a, Pathian Khawngaihna avanga Chhandamna changtu ringtute chu thil tha ti tura Krista Isua ah chuan siam kan nih thu a sawi. Dan zawm leh thil tha tih chu Pathian ringtute tan hnualsuat chi anih loh thu sawiin, thil tha tih avanga chhandam nih tum lam ni lovin Krista zara chhandamna changtu kan nih tawh avang zawka thil tha ti sauh sauh tur kan nih thu a sawi. July 15, 2016 (Zirtawpni) hian Health Worker Training School, Hmunthar, Kulikawnah hun an hmang leh ang.

□ Social Front

July 15 - 18, 2016 chung hian Biate Bialah Social Front Programme-in Financial Management Seminar neih a ni dawn a, hemi hunah hian Upa Lalzuithanga leh Upa VL Ruala Pachuau te an kal ang.

□ MSSU

♦ July 15, 2016 (Zirtawpni) zan hian Bethlehem Kohhranah Naupang Sunday School Zirtirtu training neih a ni dawn a, hemi hunah hian Pu John Lalhrualtuanga, MSSU Asst. Coordinator leh T/Upa Lalrosanga Kawlni, Office Assistant te an kal ang.

♦ July 16 & 17, 2016 hian Laipuitlang Kohhranah Sunday School Zirtirtu training neih a ni dawn a, hemi hunah hian Pu John Lalhrualtuanga, MSSU Asst. Coordinator, Upa K. Vanlalnghaka, Ramhlun East (MSSU Trainer) leh Upa B. Lalhmunliana, Bethlehem Venglai (MSSU Trainer) te an kal ang.

□ Hruaina Eng FM Radio & TV Programme

♦ **JULY 15, 2016 (FM ZOAWI AIZAWL @ 7:30 P.M.):**

Duet : Zoramchhani & David Vanlalpeka-Khawngaih Chhandam, **Zaipawl** : Tuikual Kohhran Zaipawl - Lalpa chu fak rawh u, **Thusawi** : Rev. K Lalhmuchhuaka - Inthawina aiin thuawih a tha zawk, **Zaipawl** : The Leprosy Mission Choir - Kristaa In pumkhat, **Solo** : K.Lalremruata - Malsawmna chhiar dan

♦ **JULY 15, 2016 (FM LUNGLEI @ 7:30 P.M.):**

Duet : Zoramchhani & David Vanlalpeka-Khawngaih Chhandam, **Zaipawl :** Tuikual Kohhran Zaipawl - Lalpa chu fak rawh u, **Thusawi :** Rev. K Lalhmuchhuaka - Inthawina aiin thuawih a tha zawk, **Zaipawl :** The Leprosy Mission Choir - Kristaa In pumkhat, **Solo :** K.Lalremruata - Malsawmna chhiar dan

♦ **JULY 17, 2016 (Tv Programme) @ 3:00 p.m) :**

Weekly Round Up, Hranghluite Pual : Upa Dr. L. Ringluaia

□ **Susamachar Prasaran Programme**

♦ **JULY 17, 2016 (Pathianni) 5:00 pm.**

Group/Choir/Solo : Electric Bial Masihi Sangati Zaipawl, **Group/Choir/Solo :** Karbi Presbytery Choir - Nang ingthir et, **Sermon :** Lalramzauva, **Group/Choir/Solo :** Soni Lalnunsangi - Sahara mujko, **Group/Choir/Solo :** H.Vanlalringa - Khusiya

□ **Moderator Programme**

July 7 - 20, 2016 P.C Wales General Assembly

Synod Hospital Nursing School Admission

Synod Hospital, Durtlang chuan GNM zir tur a la dawn a, dilna form (Prospectus & Application) hi 20th June - 30th July, 2016; dar 9:00 am - 4:00 pm chhungin lei theih a ni a, Prospectus/Application Form man hi Rs. 200/- a ni. Dilna form hi 30th July, 2016 aia tlai lovah Principal Office, Synod Hospital, Durtlang-ah thelhu tur a ni.

Prospectus/Application Form lakna tur :

1. Principal Office, Synod Hospital, Durtlang.
2. Millennium Centre Clinic, Aizawl.
3. Dr. Fraser's Clinic, Mission Veng.

Dil thei chin :

1. 10+2 emaw a tlukpui emaw pass, 40% mark hmu chin.
2. Nupui/Pasal la nei lo, kum 17-35 inkar.
3. Vacational stream te tan dil theih a ni lo.

**Director,
Synod Hospital**

Women Centre Hriattirna

Women Centre, Phunchawng a **Puanthui zirtur** interview hun **July 28, 2016 (Ningani)** ah sawn a ni a, zirtur dilna thelhu hun pawhsei leh a ni bawk. **Puanthui zirturu** tur erawhchu a pangngaia kalpui tur a ni ang.

SYNFO-IN 'PRAISE ON' TV SHOW BUATSAIH DAWN

Synod Information and Publicity Department (Synfo) leh Inkspot DigiPrint Solutions tangkawpin zaia rawngbawlina kawnga hmasawmna atan leh kohhran programme hrang hranga thinlung taka Pathian faka zai thei an lo pun zel theih nan Branch KTP Solo intihsiakna "Praise On" TV show, Mizoram pum huap a buatsaih dawn.

He show a tel tumte tana hriattur tul te :

1. Presbyterian Kohhran, KTP member, mahni puala Audio Album leh Music Video Album la siam lo te tel theih a ni ang. Music Video pahnih khat lo siam tawh emaw, Audio Album a hla hnikkhat lo sa tawh te chu tel theih a ni e.
2. KTP Branch tinin an Branch chhunga mi zai thiam, Pathian fak duh mi, an Branch aiawh tur an ruat ang a, a zat chu Branch thu thu a ni ang. Branch ruat ni lo chu mimala tel a rem lovang.
3. Audition Round hi District hrang hrangah neih tura ruahman a ni a, Round dang zawng hi chu Aizawlah vek tih tur a ni ang.
4. Audition Round ah hian Branch hrang hrang te anmahni remchanna berah an tel thei ang a, Branch tinin an Branch aiawha tel turte chu Audition Round an tel duhna Thlengtu Branch hnenah July 30, 2016 thleng hming pek luh theih a ni.
5. Branch-in an aiawh turte hi form siam sa angin Thlengtu Branch-ah an theh lut ang. (Form hi Website, FB leh Whatsapp Group hrang hrangah en theihin dah a ni e).
6. Audition Round neih hun leh thlengtu Branch te :

District	Audition neih hun	Thlengtu Branch
1. Lunglei	Aug.12, 2016	Lunglei Chanmari Branch
2. Serchhip	Aug.16, 2016	Serchhip Kawnpui Branch
3. Champhai	Aug.12, 2016	Champhai Vengthlang Branch
4. Kolasib	Aug.16, 2016	Kolasib Diakkawn Branch
5. Mamit	Aug.16, 2016	Mamit Branch
6. Aizawl	Aug.19-20, 2016	Mission Veng Branch

7. Audition Round-ah hian Mizo hla, an duh ber sak tur a ni ang a, thunawn nei anih chuan chang 2 leh a thunawn sak tur a ni ang a, thunawn nei lo anih chuan chang 3 thleng sak tur a ni ang a, Zai rem nan hian Acoustic Guitar 1 hman theih a ni ang.
8. He show a tel tur hian Central KTP hriatpuinain Mizoram chung KTP Branch hrang hrangah sawmna thawnchhuah tawh a ni a, engngemaw vanga lehkhah hmu loh palh awm thei anih avangin hei hi hriattirna angah ngai turin Branch tinte ngen kan ni e.

REV. B. SANGTHANGA
Executive Secretary i/c Synfo